



Broj: 02-04-3-665/24
Goražde, 08.02.2024. godine

Na osnovu člana 70. stav (5) Zakona o javnim nabavkama ("Službeni glasnik BiH" broj 39/14, 59/22) i člana 36. i 89. Statuta Grada Goražda ("Službene novine Grada Goražda" broj 5/18), na preporuku Komisije za provođenje postupka javne nabavke radova – Nabavka preventivnih sanacionih mjera na sprečavanju širenja štetnih gasova na deponiji Šišeta, Gradonačelnik Grada Goražda **d o n o s i**:

O D L U K U

o rezultatima pretkvalifikacije u pregovaračkom postupku bez objave obavještenja za nabavku radova na poduzimanju preventivnih sanacionih mjera na sprečavanju širenja štetnih gasova na deponiji Šišeta

Član 1.

Prihvata se preporuka Komisije za provođenje postupka nabavke radova na poduzimanju preventivnih sanacionih mjera na sprečavanju širenja štetnih gasova na deponiji Šišeta i tenderska dokumentacija sa pozivom za dostavu početne/inicijalne ponude dostavit će se kvalificiranom kandidatu "Okac" d.o.o. Goražde u postupku nabavke radova – Nabavka preventivnih sanacionih mjera na sprečavanju širenja štetnih gasova na deponiji Šišeta.

Član 2.

Ova Odluka stupa na snagu danom donošenja i dostavlja se kandidatu koji je sudjelovao u postupku javne nabavke, u skladu sa članom 71. Zakona o javnim nabavkama.

O b r a z l o ž e n j e

Postupak nabavke je pokrenut Posebnom odlukom o pokretanju postupka javne nabavke broj 02-04-3-9068-1/23 od 05.02.2024. godine. Javna nabavka se provodi putem pregovaračkog postupka bez objave obavještenja o javnoj nabavci. Procjenjena vrijednost nabavke bez uračunatog PDV-a iznosi 60.000,00 KM. Komisija za provođenje predmetnog postupka nabavke je imenovana Rješenjem Gradonačelnika Grada Goražde broj 02-04-3-665/24 od 05.02.2024. godine.

Komisija za nabavku dostavila je dana 08.02.2024. godine zapisnik o ocjeni kvalificiranih ponuđača sa preporukom za donošenje Odluke o rezultatima pretkvalifikacije.


Na osnovu dostavljenog zapisnika utvrđeno je, da je Komisija blagovremeno i pravilno izvršila otvaranje zahtjeva za učešće koji je dostavljen od strane kandidata "Okac" d.o.o. Goražde.

Također je utvrđeno da kandidat ispunjava uslove za učešće u pogledu lične situacije, sposobnosti za obavljanje profesionalne djelatnosti kao i uslove u pogledu tehničke i profesionalne sposobnosti.

Prilikom donošenja Odluke ocjenjeno je da je Komisija u svemu pravilno postupila te da je ocjena kvalifikovanosti ponuđača izvršena u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Obzirom da je nesporno utvrđeno da je ponuđač "Okac" d.o.o. Goražde kvalifikovan i podoban za izvršenje ugovora u ovom postupku nabavke odlučeno je kao u dispozitivu Odluke.

Pouka o pravnom lijeku: Protiv ove Odluke može se izjaviti žalba, najkasnije u roku od 10 (deset) dana od dana prijema iste.

Akt sačinila: Elvira Tirović 
Akt kontrolisao: Berin Kulelija

DOSTAVLJENO:

1. Služba za investicije, LER i upravljanje imovinom
Odsjek za JN
2. U dosije
3. a/a

